

<p style="text-align: justify;"><span style="font-size: 10pt; font-family: arial, helvetica, sans-serif;">April 8, 2021 @ 2:46pm</span><br /><span style="font-size: 10pt; font-family: arial, helvetica, sans-serif;">Kuala Lumpur: Sebanyak 37 kes penipuan berkaitan barang kemas membabitkan kerugian RM239,530 diterima pihak polis bagi tempoh tiga bulan pertama tahun ini.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Pengarah Jabatan Siasatan Jenayah Komersial (JSJK) Bukit Aman, Datuk Zainuddin Yaacob berkata, berdasarkan kajian, penipuan membabitkan barang kemas mencatatkan antara kes penipuan tertinggi.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Pada 2019, sebanyak 21 kes dilaporkan membabitkan kerugian berjumlah RM148,444 dan jumlah kes meningkat kepada 44 kes pada tahun lalu dengan kerugian RM261,954.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Bagi tempoh tiga bulan pertama tahun ini, sebanyak 37 kes direkodkan dengan jumlah kerugian RM239,530," katanya dalam kenyataan, hari ini.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Zainuddin berkata, peningkatan jumlah kes yang direkodkan dalam kes berkenaan perlu ditangani dengan serius.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Perkembangan teknologi dan komunikasi mewujudkan peluang perniagaan secara dalam talian kerana akses mudah dan tanpa had khususnya ketika negara berdepan penularan pandemik Covid-19.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Ia sekali gus menjadikan platform e-dagang menjadi pilihan pengguna. Namun, perkembangan ini juga turut mewujudkan jenayah penipuan penjualan barang tidak wujud," katanya.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Beliau berkata, pihaknya sudah melaksanakan langkah-langkah yang perlu untuk memastikan usaha pembanterasan dilakukan dengan efektif serta berkesan.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Namun dari aspek pencegahan, pembabitan masyarakat amat diperlukan. Justeru, orang ramai digesa untuk sentiasa berhati-hati dan berwaspada dalam urusan jual beli barang kemas secara dalam talian.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Jangan mudah percaya dengan tawaran jualan barang kemas yang lebih murah dari pasaran semasa terutama apabila tawaran itu dibuat oleh pihak tidak dapat dipastikan kesahihannya," katanya.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">Katanya, orang ramai juga diminta membuat semakan ketulenan transaksi dan memastikan urusan jual beli dijalankan melalui perjanjian dan kaedah diperakui supaya tidak mudah menjadi mangsa.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Buat semakan pengesahan akaun dan talian telefon terlebih dahulu melalui laman sesawang <a href="http://ccid.rmp.gov.my/semakmule/">http://ccid.rmp.gov.my/semakmule/</a> untuk mengenal pasti sama ada akaun terbabit pernah terbabit dalam kes penipuan atau tidak sebelum membuat sebarang transaksi pembayaran.</span></p> <p style="text-align: justify;"><span style="font-size: 10pt; font-family: arial, helvetica, sans-serif;">"Orang ramai juga

boleh berhubung dengan CCID Scam Response Centre melalui talian 03-26101599/1599 jika mempunyai sebarang keraguan," katanya.</span></p> <p>◆</p> <p style="text-align: justify;"><span style="font-size: 10pt; font-family: arial, helvetica, sans-serif;">Sumber: <a href="https://www.hmetro.com.my/mutakhir/2021/04/692646/hati-hati-penipuan-jual-beli-barang-kemas-tak-wujud">https://www.hmetro.com.my/mutakhir/2021/04/692646/hati-hati-penipuan-jual-beli-barang-kemas-tak-wujud</a></span></p>